



Broj: 02-14-3403/18
Lukavac: 12.11.2018.

Na osnovu člana 108., a u skladu sa članom 41. Statuta Općine Lukavac – prečišćeni tekst („Službeni glasnik Općine Lukavac“, broj: 5/08 i 1/14), Budžeta Općine Lukavac za 2018. godinu, broj: 02-14-525/18-1 od 02.04.2018. godine i u skladu sa članom 35. Odluke o izvršenju budžeta Općine Lukavac za 2018.godinu (potrošačka jedinica 114. „Poticaj poljoprivrednoj proizvodnji“) broj: 02-02-1-813/18-1 od 02.04.2018. godine, i Ugovora o formiranju namjenskog depozita sklopljenog sa Razvojnou bankom Federacije Bosne i Hercegovine, broj: 02-14-2276-1/18 od 05.09.2018. godine, Općinski načelnik raspisuje:

JAVNI POZIV
za predaju zahtjeva za ostvarivanje prava na podsticaj poljoprivrednoj proizvodnji iz
Budžeta Općine Lukavac subvencioniranjem kamata na kreditna sredstva kod Razvojne
banke Federacije BiH za 2018. godinu

Predmet Javnog poziva je prikupljanje prijave (zahtjeva) za ostvarivanje prava na podsticaj poljoprivrednoj proizvodnji iz Budžeta Općine Lukavac subvencioniranjem kamata krajnjim korisnicima kreditnih sredstava, za kredite koje odobri Razvojna banka Federacije BiH, isključivo za ulaganja na području općine Lukavac.

Finansijska sredstva za realizaciju podsticaja poljoprivrednoj proizvodnji subvencioniranjem kamata osigurana su u iznosu od 40.000,00 KM iz sredstava Budžeta Općine Lukavac za 2018. godinu.

Za odobrena kreditna sredstva od Razvojne banke Federacije BiH, Općinski načelnik daje saglasnost na subvencioniranje kamate u ukupnom iznosu do 40.000,00 KM iz kreditne linije za dugoročno finansiranje poljoprivredne proizvodnje.

I PRAVO UČEŠĆA I IZNOS KREDITA

Pravo na korištenje subvencija kamata na kreditna sredstva za razvoj poljoprivrede kod Razvojne banke Federacije Bosna i Hercegovine imaju fizička lica, obrtnici i pravna lica koja se bave poljoprivrednom djelatnošću sa sjedištem/prebivalištem na području općine Lukavac.

Uslovi za subveciju kamate za kredite iz kreditne linije za dugoročno finansiranje poljoprivredne proizvodnje su:

- iznos pojedinačnog kredita: minimalno 50.000,00 KM do maksimalnih 250.000,00 KM;
- rok otplate maksimalno 120 mjeseci uključujući grace period;
- kamatna stopa 3% fiksno na godišnjem nivou;
- naknada za obradu zahtjeva: 0,3 % jednokratno na iznos odobrenog kredita

Kreditna sredstva mogu biti odobrena u iznosu većem od gore navedenog, s tim što za razliku sredstava, korisnik kreditnih sredstava nema prava na subvenciju kamate, a što će se regulisati Ugovorom o kreditu po svakom pojedinačnom zahtjevu.

Odobrena kreditna sredstva mogu se koristiti najmanje 70%-nom iznosu za finansiranje stalnih sredstava, a najviše 30% odobrenih kreditnih sredstava može se koristiti za nabavku

repromaterijala/sirovina, što podnosioc zahtjeva opisuje u prijedlogu projekta utroška kreditnih sredstava za razvoj poljoprivredne proizvodnje.

Naziv projekta i namjena utroška kredita ne mogu se promijeniti u toku postupka obrade kreditnog zahtjeva bez pismene saglasnosti Općine.

II POTREBNA DOKUMENTACIJA

Podnosioci zahtjeva trebaju priložiti slijedeću dokumentaciju:

1. Uredno popunjen zahtjev (prijavu) potpisan/a ili ovjeren/a pečatom podnosioca zahtjeva (prijave) za pravna lica i obrtnike,
2. Dokaz da se bave poljoprivrednom djelatnošću sa sjedištem/prebivalištem na području općine Lukavac (rješenje o upisu u sudski registar za pravna lica ne stariji do 30 dana, a za obrtnike rješenje za obavljanje obrtničke djelatnosti izdato do nadležne općinske službe i obavijest o razvrstavanju subjekata prema djelatnostima - Zavod za statistiku),
3. Dokaz da su izmirili porezne obaveze (porezno uvjerenje, uvjerenje o izmirenim obavezama po osnovu PDV-a ukoliko je obveznik po Zakonu o porezu na dodanu vrijednost u sistemu),
4. Dokaz da su izmirili doprinose i porezne obaveze (uvjerenje PIO/MIO i zdravstveno) sa brojem ili popisom osiguranih osoba za obveznike (uvjerenje o izmirenim javnim prihodima),
5. Dokaz da nisu u stečaju pravna lica, a obrtnici da obavljaju obrtničku djelatnost (uvjerenje),
6. Projektni prijedlog za utrošak sredstava u poljoprivrednu proizvodnju,
7. Dokaz da su upisani u Registar poljoprivrednih gazdinstava i Registar klijenata koji vodi nadležna Služba (potvrda iz RPG i RK).

III PROCEDURA ODABIRA KANDIDATA ZA DODJELU SREDSTAVA

Općinski načelnik imenuje stručnu Komisiju za odabir kandidata za dodjelu sredstava.

Zadatak Komisije je: pregled prispjelih ponuda, evidentiranje kandidata koji ispunjavaju uslove iz Javnog poziva, procjene opravdanosti podnesenog zahtjeva, sačinjavanje liste krajnjih korisnika na osnovu utvrđenih kriterija za bodovanje, te istu dostavlja Općinskom načelniku.

Saglasnost na predloženu rang listu daje Općinski načelnik.

Rang lista odabranih kandidata se objavljuje na oglasnoj ploči Općine Lukavac i službenoj web stranici Općine Lukavac i Radio-televiziji Lukavac.

Općina rang listu potencijalnih korisnika subvencije na kamate kreditnih sredstava kod Banke, na koju je saglasnost dao Općinski načelnik, dostavlja Banci na obradu kreditnih zahtjeva.

Ukoliko potencijalni korisnici sredstava ne ispune potrebne uslove za dodjelu kredita po procedurama banke, Općina će sa rang liste potencijalnih korisnika subvencije na kamate kreditnih sredstava kod Banke, dostaviti Banci slijedeću rangiranu prijavu na daljnju obradu.

Odabrani korisnici sa Bankom potpisuju Ugovor o kreditu, kojim će biti rugulisana sva dalja prava i obaveze.

IV NAČIN PODNOŠENJA ZAHTJEVA

Obrasci Zahtjeva za prijavu na Javni poziv se mogu preuzeti u Šalter Sali Općine Lukavac i zajedno sa dokumentacijom predati na protokol Općine Lukavac u zapečaćenim kovertama, s naznakom "Podsticaj poljoprivrednoj proizvodnji iz Budžeta Općine Lukavac subvencioniranjem kamata na kreditna sredstva kod Razvojne banke Federacije BiH za 2018. godinu".

Javni poziv će biti objavljen na oglasnoj ploči Općine Lukavac, službenoj web stranici Općine Lukavac i Radio-televiziji Lukavac.

Nepotpuna, neuredna, netačna i neblagovremena dokumentaciju neće se uzimati u obzir.

Javni poziv teče od 14.11.2018. i ostaje otvoren do 29.11.2018.

OPĆINSKI NAČELNIK

Dr. sci. Edin Delić